

劉向說苑纂註

二

漢書門			
二五〇三	一三四	一〇六	一〇
類	號	函	冊

內閣文庫			
二五〇三	一〇六	三八	函
類	冊	架	架

內閣文庫	
番號	漢 2503
冊數	10 (2)
函號	298 64

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





劉向說苑纂註卷第二

淺草文庫

明 新安 程榮 校

日本 尾張 關嘉 纂註

建本

孔子曰君子務本本立而道生論語學而篇夫本不正

者未必倚倚偏側也始不盛者終必衰詩云原隰既平

泉流既清詩小雅黍苗篇毛萇云土治曰平水治曰清本立而道生春

秋之義有正春者無亂秋有正君者無危國易曰

建其本而萬物理失之毫釐差以千里史記太史公自序曰

易曰失之豪釐差以千里註裴駰曰今易無此語易緯有之是故君子貴建本

而重立始

魏武侯問元年於吳子人君立極改年不日一年也

元始吳子對曰言國君必慎始也慎始奈何曰正

之正之奈何曰明智智不明何以見正多聞而擇

焉所以明智也是故古者君始聽治大夫而一言

士而一見庶人有謁必達公族請問必語或曰問

四方至者勿距可謂不壅蔽矣分祿必及用刑必

中君心必仁思君之利君當除民之害可謂不失

民衆矣君身必正近臣必選大夫不兼官執民柄

者不在一族可謂不權勢矣此皆春秋之意而元

家語六本篇

此修身之要盡

年之本也

孔子曰行身有六本本立焉然後為君子立體有

義矣家語體而孝為本處喪有禮矣而哀為本戰

陣有隊矣隊部也而勇為本治政有理矣而能

為本家語能居國有禮矣家語禮而嗣為本王肅

嗣不立則生才有時矣才與而力為本置本不固

無務豐末家語吳嘉謨註本不親戚不悅無務外

交事無終始家語無無務多業聞記不言無務多

談家語作聞記而言無務多說王肅註但記比近

不說家語說無務修遠家語修是以及本修邇君

說苑卷之三

子之道也

天之所生地之所養莫貴乎人入之道莫大乎父
 子之親君臣之義父道聖子道仁君道義臣道忠
 賢父之於子也慈惠以生之教誨以成之養其誼
 藏其偽時其節慎其施子年七歲以上父為之擇
 明師選良友勿使見惡少漸之以善使之早化故
 賢子之事親發言陳辭應對不悖乎耳趣走進退
 趣趨容貌不悖乎目卑體賤身不悖乎心君子之
 事親以積德子者親之本也無所推而不從命推也
 推而不從命者惟害親者也故親之所安子

家語致意篇

皆供之賢臣之事君也受官之日以王為父以國
 為家以士人為兄弟故苟有可以安國家利民人
 者不避其難不憚其勞以成其義故其君亦有助
 之以遂其德夫君臣之與百姓轉相為本如循環
 無端夫子亦云人之行莫大於孝孝行成於內而
 嘉號布於外是謂建之於本而榮華自茂矣君以
 臣為本臣以君為本父以子為本子以父為本棄
 其本榮華槁矣

子路曰負重道遠者不擇地而休家貧親老者不

釋祿而仕韓子外傳以為曾子之言似依莊子寓言曾子再仕之章家語道作涉肯

語悲不忍多讀

者由事二親之時常食藜藿之實而為親負米百里之外藜草名藿豆葉也一者皆可以為羹實猶充也親沒之後南遊於楚從車百乘積粟萬鍾累茵而坐列鼎而食茵褥也願食藜藿為親負米之時不可復得也枯魚銜索幾何不蠹二親之壽忽如過隙草木欲長霜露不使賢者欲養二親不待故曰家貧親老不擇祿而仕也

尚書傳

伯禽與康叔封朝于成王見周公三見而三答封周武王同母弟衛康叔也康叔有駭色謂伯禽曰有商子者賢人也尚書大傳註商子即商容與子見之康叔封與伯禽見

商子曰某某也曰吾二子者朝乎成王見周公三見而三答其說何也商子曰二子盍相與觀乎南山之陽謂陽山南有木焉名曰橋二子者往觀乎南山之陽見橋竦焉實而仰竦焉也反以告乎商子商子曰橋者父道也商子曰二子盍相與觀乎南山之陰謂陰山北有木焉名曰梓二子者往觀乎南山之陰見梓勃焉實而俯反以告商子商子曰梓者子道也尚書大傳註橋梓喻父子尊卑也二子者明日見乎周公入門而趨登堂而跪周公拂其首勞而食之曰安見君子二子對曰見商子周公曰君子哉商子也

家語六本篇文
火異

聖人作用固
不可測

曾子芸瓜而誤斬其根論語何晏註曾皙怒援大

杖擊之曾子仆地有頃蘇寤然而起進曰曩者參

得罪於大人大人用力教參得無疾乎言曩者用力教參大人

疾乎人得無疾乎退屏鼓琴而歌欲令曾皙聽其歌聲令知

其平也孔子聞之告門人曰參來勿內也曾子自

以無罪使人謝孔子孔子曰汝聞瞽叟有子名曰

舜舜之事父也索而使之未嘗不在側求而殺之

未嘗可得小箠則待大箠則走以逃暴怒也家語箠韓詩外傳作箠音義同

今子委身以待暴怒立體而不去

殺身以陷父不義不孝孰是大乎汝非天子之民

邪殺天子之民罪奚如以曾子之材又居孔子之

門有罪不自知處義難乎

伯俞有過其母笞之泣伯俞姓韓漢梁人也其母

曰他日笞子未嘗見泣今泣何也對曰他日俞得

罪笞嘗痛一本嘗今母之笞不能使痛是以泣故

曰父母怒之不作於意不見於色深受其罪使可

哀憐上也父母怒之不作於意不見其色其次也

父母怒之作於意見於色下也

成人有德小子有造大學之教也時禁於其未發

之曰預見禮記學記鄭玄曰未發因其可之日時

禮記學記鄭玄曰未發因其可之日時

學記因作當鄭玄曰可謂年二十成人時相觀於善之日磨學記作相

日磨鄭玄曰不並問則教者思專也磨相切磋也

○言如稱甲之善則乙者觀而效之乙有善可稱

甲亦如之學不陵節而施之日馴學記无學字馴作孫

教長者才者以小教幼者鈍者以大也施猶教也孫順也發然後禁則扞格而

不勝鄭玄曰教不能勝其情慾格讀如凍洛之洛

譬如地之凍則堅彊難入故云如時過然後學則

勤苦而難成鄭玄曰時過則思放也雜施而不遜則壞亂而

不治學記遜作孫治作脩鄭玄曰小者不達大者難識學者所惑也獨學而無友

則孤陋而寡聞鄭玄曰不相觀也故曰有昭辟雍有賢洋

宮辟雍洋宮學校名田里周行人田里周行者言在田里之人或在周之列位人也詩

鹿鳴篇鄭箋云周濟濟鏘鏘而相從執質有族以

文濟濟多威儀也鏘鏘容貌舒揚也執質者執禮

周召公年十九見正而冠按見正者言智明而見

上魏武侯問元年於吳子章云知不明何以見正

多聞而擇焉所以明智也○荀子曰天子諸侯子

冠先臣下十年也冠則可以為方伯諸侯矣人

之幼穉童蒙之時非求師正本無以立身全性夫

幼者必愚愚者妄行愚者妄行不能保身孟子曰

人皆知以食愈飢莫知以學愈愚俞與菑同病瘳也故善

材之幼者必勤於學問以脩其性今人誠能砥礪

其材今人猶夫人自誠其神明睹物之應通道之要觀

說文解字卷之三

國立公文書館 National Archives of Japan

始卒之端覽無外之境莊周所謂寓諸無竟者也逍遙乎無方

之內周易益卦象曰天施地生其益無方徜徉乎塵埃之外卓然獨

立超然絕世此上聖之所遊神也神謂精神也然晚世

之人莫能承上一句而間居心患鼓琴讀書追觀

上古友賢大夫追造學問講辯日以自虞虞樂也疏

遠世事遠疑達之誤分明利害籌策得失以觀禍福說

義立度以為法式窮追本末究事之情死有遺業

生有榮名此皆人材之所能建也然莫能為者偷

慢懈墮多暇日之故也承上一句斷是以失本而

無名夫學者崇名立身之本也儀狀齊等而飾貌

語精而韻

者好質性同倫而學問者智是故砥礪琢磨非金

也而可以利金詩書辟立非我也而可以厲心碎立

未詳立疑當作法夫問訊之士日夜興起厲中益

知以分別理是故處身則全立身不殆士苟欲深

明博察以垂榮名而不好問訊之道則是伐智本

而塞智原也何以立軀也騏驥雖疾不遇伯樂不

致千里說文騏驥千里馬孫陽所相者干將雖利

非人力不能自斷焉干將名烏號之弓雖良不得排

檠不能自任烏號古良弓名檠輔正弓也人才雖

高不務學問不能致聖水積成川則蛟龍生焉土

積成山則豫樟生焉學積成聖則富貴尊顯至焉

千金之裘非一狐之皮臺廟之榱非一木之枝榱椽

也先王之法非一士之智也故曰訊問者智之本

思慮者智之道也中庸曰好問近乎智力行近乎

仁知耻近乎勇積小之能大者其惟仲尼乎學者

所以及情治性盡才者也親賢學問所以長德也

論交合友所以相致也詩云如切如磋如琢如磨

此之謂也詩衛風淇澳篇毛萇云治骨曰切象曰

規諫以自修如玉石之見琢磨也

今夫辟地殖穀以養生送死銳金石雜草藥以攻

疾銳金石者言為鍼砭也銳謂鋒芒細小也各知構室屋以避暑雨累

臺榭以避潤濕入知親其親出知尊其君內有男

女之別外有朋友之際此聖人之德教儒者受之

傳之以教誨於後世今夫晚世之惡人反非儒者

曰何以儒為如此人者是非本也譬猶食穀衣絲

而非耕織者也載於船車服而安之服用而非工

匠者也食於釜甌須以生活而非陶冶者也此言

違於情而行矇於心者也如此人者骨肉不親也

秀士不友也此三代之棄民也人君之所不赦也

故詩云投畀豺虎豺虎不食投畀有北有北不受

投畀有昊此之謂也詩小雅巷伯篇刺幽王也寺人傷於讒故作是詩也投畀

有北毛傳云北方寒涼而不毛投畀有昊鄭箋云付與昊天制其罪也

糞心句奇

孟子曰人知糞其田莫知糞其心糞田莫過利苗

得粟糞心易行而得其所欲何謂糞心博學多聞

何謂易行一性止滯也言專一我性使外物不得亂之

子思曰學所以益才也礪所以致刃也吾嘗幽處

而深思不若學之速吾嘗跋而望不若登高之博

見故順風而呼聲不加疾而聞者衆登丘而招臂

不加長而見者遠故魚乘於水鳥乘於風草木乘

於時

荀子勸學篇語與此異相似

家語致思篇並見韓詩外傳

孔子曰可以與人終日而不倦者其惟學乎其身

體不足觀也家語身體其勇力不足憚也其先祖

不足稱也其族姓不足道也然而可以開四方而

昭於諸侯者其惟學乎韓詩外傳詩曰不愆不忘

率由舊章夫學之謂也詩大雅假樂篇愆作愆亡

孔子曰鯉君子不可以不學見人不可以不飾家語

見人作不飾則無根家語根作類王肅無根則失

理家語理作親下同王肅云為親矜失理則不忠

親則無忠誠王肅云情不知不忠則失禮王肅云禮以

不立王肅云非禮夫遠而有光者飾也近而逾明

者學也譬之如汚池水潦注焉菅蒲生之從上觀

之知其非源也家語作雖或以觀之孰知其源乎王肅云源泉源也水潦注於池而

生萑葦觀者誰知其非源泉乎以言學者雖從外入及其用之人誰知其非從此出也者乎據之知

上恐脫孰字而家語源上脫非字

公扈子曰有國者不可以不學春秋生而尊者驕

驕自矜也生而富者傲傲倨傲不遜也生而富貴又無鑑而自

得者鮮矣春秋國之鑑也春秋之中弑君三十六

亡國五十二諸侯奔走不得保其社稷者甚衆未

有不先見而後從之者也言惡事著見而後敗亡從焉

晉平公問於師曠曰吾年七十欲學恐已暮矣師

曠曰何不炳燭乎炳明也平公曰安有為人臣而戲

其君乎師曠曰盲臣安敢戲其君乎師曠瞽者也故自稱盲臣

臣聞之少而好學如日出之陽壯而好學如日中

之光老而好學如炳燭之明炳燭之明孰與昧行

乎平公曰善哉

河間獻王曰湯稱學聖王之道者譬如日焉靜居

獨思譬如火焉夫捨學聖王之道若捨日之光何

乃獨思若火之明也可以見小耳未可用大知惟

學問可以廣明德慧也

梁丘據謂晏子曰梁丘據齊景公之臣子猶也吾至死不及夫

晏子春秋雜篇

說苑卷之三

子矣。晏子曰：「嬰聞之為者常成，行者常至。嬰非有

異於人也，常為而不置，常行而不休者，故難及也。

甯越，中牟鄙人也。漢書藝文志註云：甯越，中牟人，為周威王師。按王當作公，恐字

誤。若耕之勞，謂其友曰：「何為可以免此苦也？」友曰：

「莫如學。學三十年，則可以達矣。」甯越曰：「請十五歲

人將休，吾將不休。人將卧，吾不敢卧。十三歲學而

周威公師之。威公，周考王弟桓公子也。見周本紀。云考王封其弟于河南，是為桓公。以

續周公之官職。桓公卒，子威公代立。夫走者之速也，而過二里止。其

進疾者，其步者之遲也。而百里不止。今甯越之材

而久不止，其為諸侯師，豈不宜哉？」

家語路初見 篇

孔子謂子路曰：「汝何好？」子路曰：「好長劍。」孔子曰：「非

此之問也。請以汝之所能加之，以學，豈可及哉？」請一

字家語作徒謂二字。子路曰：「學亦有益乎？」孔子曰：「夫人君無

諫臣，則失政；士無教交，則失德。家語交作友，德作聽。太宰德夫曰：此

二句與下文協韻。德作聽為是。狂馬不釋其策，操弓不返於檠。王

曰：弓不反於檠，然後可持也。○檠已見上。木受繩則直，人受諫則聖。命

曰：惟木從繩則正，后從諫則聖。受學重問，孰不順成？毀仁惡士，且

近於刑。王肅曰：謗毀仁者，憎怒士人，必主於刑也。○德夫曰：主字可疑。君子不可

以不學。子路曰：「南山有竹，弗揉自直，斬而射之，通

於犀革，又何學為乎？」孔子曰：「括而羽之，鏃而砥礪

之其入不益深乎矢末曰括謂受弦處也子路拜

曰敬受教哉

子路問於孔子曰請釋古之學而行由之意可乎

孔子曰不可昔者東夷慕諸夏之義有女其夫死

為之內私塔終身不嫁不嫁則不嫁矣然非貞節

之義也蒼梧之弟娶妻而美好蒼梧之弟家語作

論作蒼吾繞註蒼吾繞孔子時人請與兄易忠則忠矣然非禮也

今子欲釋古之學而行子之意庸知子用非為是

用是為非乎不順其初雖欲悔之難哉

豐牆堯下未必崩也堯土不平也流行潦至壞必先矣

家語六本篇

漢董偃丁外入俱此類也

韓詩外傳文小異

流字上下有闕字樹本淺根核不深未必概也核讀為藜草根也概當作概發也韓詩外傳云草木根莖淺未必概飄風起暴雨至拔必先矣

君子居於是國不崇仁義不尊賢臣未必亡也然

一旦有非常之變車馳人走捐而禍至乃始乾喉

焦唇仰天而歎庶幾焉天其救之不亦難乎孔子

曰不慎其前而悔其後雖悔無及矣詩曰嘜其泣

矣何嗟及矣詩王風中谷有蓷篇毛萇曰嘜泣貞言不先正本而成

憂於末也

虞君問益成子曰太室曰問當作謂今工者久而巧色者老而衰今人不及壯之時益積心技之術

數語使千古美人俱索然無味

以備將衰之色

技能也書泰誓斷斷兮無他技

色者必盡乎老之

前知謀無以異乎幼之時可好之色彬彬乎

彬彬文盛貌且盡洋洋乎

洋洋水貌安託無能之軀哉故有技

者不累身而未嘗滅而色不得以常茂

齊桓公問管仲曰王者何貴曰貴天桓公仰而視

天管仲曰所謂天者非謂蒼蒼莽莽之天也

蒼蒼蒼蒼謂穹蒼也爾雅天形穹窿其色蒼蒼君人者以百姓為天百姓與之

則安輔之則彊非之則危背之則亡詩云人而無

良相怨一方詩小雅角弓篇父兄刺幽王也作民之意不獲當反責之於身思彼所以然者民怨其

上不遂亡者未之有也

河間獻王曰管子稱倉廩實知禮節衣食足知榮

辱管子牧民第一夫教者國家所以昌熾士女所以姣好

禮義所以行而人心所以安也尚書五福以富為

始書洪範五福一曰壽二曰富三曰康寧四曰攸好德五曰考終命子貢問為政

孔子曰富之既富乃教之也此治國之本也

文公見咎季咎季即舅犯也咎與舅同晉文公之舅狐偃也其廟傳於西

墻公曰孰處而西而汝也下同對曰君之老臣也公曰

西益而宅對曰臣之忠不如老臣之力其墻壞而

不築公曰何不築對曰下日不稼百日不食老臣耕田

惜一日之力不築堵公出而告之僕僕頓首於軫軫車後也曰

呂刑云一人有慶兆民賴之孔氏傳天子有君之善則兆民賴之

明羣臣之福也乃令於國曰毋淫宮室以妨人宅

板築以時無奪農功

楚恭王多寵子而世子之位不定屈建曰楚必多

亂夫一兔走於街萬人追之一人得之萬人不復

走分未定則一兔走使萬人擾分已定則雖貪夫

知止今楚多寵子而嫡位無主亂自是生矣夫世

太子者國之基也而百姓之望也國既無基又使

百姓失望絕其本矣本絕則撓亂猶兔走也漢書鼂錯

傳匈奴之衆易撓亂也師古曰撓攪也 恭王聞之立康王為太子其

後猶有令尹圍公子棄疾之亂也令尹圍楚共王子靈王也後易

名熊虔公子棄疾即楚平王也共見左傳昭公年中

晉襄公薨嗣君少嗣君謂靈公也趙宣子相謂大夫曰立

少君懼多難請立雍杜預曰雍文公庶弟雍長出在秦

秦大足以為援賈季曰不若公子樂杜預曰樂木公子樂

有寵於國先君愛而仕之翟翟足以為援穆嬴抱

太子以呼於庭杜預曰穆嬴襄公夫人靈公母也曰先君奚罪其

嗣亦奚罪舍嫡嗣不立而外求君乎出朝抱以見

宣子曰惡難也故欲立長君長君立而少君壯難

乃至矣宜子患之遂立太子也此章詳見左傳文公六年

趙簡子以襄子為後董安于曰無恤不才今以為

後何也簡子曰是其人能為社稷忍辱異日智伯

與襄子飲而灌襄子之首大夫請殺之襄子曰先

君之立我也曰能為社稷忍辱豈曰能刺人哉處

十月智伯圍襄子於晉陽按晉語簡子卒無恤立是為襄子知伯求地於

韓魏皆與求於趙不與卒韓魏之甲以攻趙襄子出走晉陽三家圍而灌之城不浸者三板沈竈產

龍氏無叛意襄子疏隊而擊之大敗智伯漆其首以為

飲器太室曰隊當作隧疏隧謂穿城也襄子陰與韓約共敗知伯滅知氏而分其地襄子漆知

伯之頭以為飲器劉向說苑纂註卷第三終

劉向說苑纂註卷第四

明 新安 程榮 校

日本 尾張 關嘉 纂註

立節

士君子之有勇而果於行者不以立節行誼而以

妄死非名豈不痛哉士有殺身以成仁觸害以立

義倚於節理而不議死地故能身死名流於來世

非有勇斷孰能行之子路曰不能勤苦不能恬貧

窮不能輕死亡而曰我能行義吾不信也昔者申包

胥立於秦庭七日七夜哭不絕聲遂以存楚申包胥楚

大夫也及昭王在隨如秦乞師事不能勤苦安能

行此曾子布衣緼袍未得完糟糠之食藜藿之羹

未得飽義不合則辭上卿家語弟子行曾參齊嘗聘欲以為卿而不就

不恬貧窮安能行此比干將死而諫逾忠比干紂之諸父

也以諫紂見殺也伯夷叔齊餓死于首陽而志逾彰伯夷叔齊

孤竹君之二子讓位適周遇武王伐紂諫之不入及武王既誅紂義不食周粟首陽山下采薇而食終餓死雖然民到于今稱之以為古之賢人不輕死亡安能行此故夫

士欲立義行道毋論難易而後能行之立身著名

無顧利害而後能成之詩曰彼其之子碩大且篤

詩唐風椒聊篇非良篤修激之君子其誰能行之哉修激者言

行修而言多激切也王子比干殺身以成其忠伯夷叔齊殺

身以成其廉此三子者皆天下之通士也豈不愛

其身哉按自王子比干殺身以成其忠下至謂以

為夫義之不立名之不著士之耻也故殺身以遂

其行因此觀之卑賤貧窮非士之耻也夫士之所

耻者天下舉忠而士不與焉舉信而士不與焉舉

廉而士不與焉三者在乎身名傳於後世三者謂忠信廉

與日月並而不息雖無道之世不能汚焉然則非

好死而惡生也非惡富貴而樂貧賤也由其道遵

其理尊貴及已士不辭也孔子曰富而可求雖執

其理尊貴及已士不辭也孔子曰富而可求雖執

其理尊貴及已士不辭也孔子曰富而可求雖執

其理尊貴及已士不辭也孔子曰富而可求雖執

其理尊貴及已士不辭也孔子曰富而可求雖執

韓詩外傳

鞭之士吾亦為之富而不可求從吾所好論語述而篇

大聖之操也詩云我心匪石不可轉也我心匪席

不可卷也詩邶風柏舟言不失已也能不失已然後可

與濟難矣此士君子之所以越衆也

楚伐陳陳西門燔因使其降民修之孔子過之不

軾子路曰禮過三人則下車過二人則軾子路曰

詩外傳作子貢今陳修門者人數衆矣夫子何為

不軾孔子曰丘聞之國亡而不知不智知而不爭

不忠忠而不死不廉今陳修門者不行一於此丘

故不為軾也

韓詩外傳文小異

家語大本篇

孔子見齊景公景公致廩丘以為養孔子辭不受
出謂弟子曰吾聞君子當功以受祿今說景公景
公未之行而賜我廩丘其不知丘亦甚矣遂辭而
行

家語在厄篇文小異

義峻而詞純
大賢氣象自
與人不同

曾子衣弊衣以耕魯君使人往致邑焉曰請以此
修衣曾子不受反復往又不受使者曰先生非求
於人人則獻之奚為不受曾子曰臣聞之受人者

畏人予人者驕人縱子有賜不我驕也我能勿畏
乎終不受孔子聞之曰參之言足以全其節也

子思居於衛緼袍無表表一作裏緼泉著二旬而

九食田子方聞之使人遺狐白之裘恐其不受因謂之曰吾假人遂忘之吾與人也如棄之子思辭而不受子方曰我有子無何故不受子思曰彼聞之妄與不如遺棄物於溝壑彼雖貧也不忍以身為溝壑是以不敢當也

宋襄公茲父為桓公太子桓公有後妻子曰公子

目夷目夷字子魚公愛之茲父為公愛之也欲立之請

於公曰請使目夷立臣為之相兄以佐之公曰何故也對曰臣之舅在衛愛臣若終立則不可以往絕跡於衛是背母也且臣自知不足以處目夷之

上公不許彊以請公公許之將立公子目夷目夷

辭曰兄立而弟在下是其義也今弟立而兄在下

不義也不義而使目夷為之目夷將逃乃逃之衛

茲父從之三年桓公有疾使人召茲父若不來是

使我以憂死也茲父乃反公復立之以為太子然

後目夷歸也按此章之事見左傳文異左傳以有目夷長且仁之句杜預以為目夷茲

父庶兄此又違此所說

晉驪姬諂太子申生於獻公驪姬驪戎君之女也晉獻公立以為夫人

獻公將殺之公子重耳謂申生日為此者非子之

罪也為此者指太子祭于曲沃歸胙于公驪姬毒而獻之之事也子胡不進辭

說苑卷之四

辭之必免於罪進辭者言以其狀自理也申生曰不可我辭之

驪姬必有罪矣吾君老矣微驪姬寢不安席食不

甘味如何使吾君以恨終哉重耳曰不辭則不若

速去矣申生曰不可去而免於死是惡吾君也夫

彰父之過而取美諸侯孰肯納之入困於宗出困

於逃是重吾惡也吾聞之忠不暴君暴顯也言智不顯君惡

不重惡勇不逃死如是者吾以身當之遂伏劍死

驪姬諸申生事見左傳僖公四年並晉語文小異君子聞之曰天命矣夫

世子詩曰萋兮斐兮成是貝錦彼諸人者亦已太

甚詩小雅巷伯刺幽王也寺人傷於讒故作是詩也毛傳云萋斐文章相錯也貝錦錦文也鄭箋

云喻讒人集作已過以成於罪猶女工之集采色以成錦文

晉獻公之時有士焉曰狐突傳太子申生公立驪

姬為夫人而國多憂狐突稱疾不出六年獻公以

諸誅太子太子將死使人謂狐突曰晉語作使猛足言於狐突

曰吾君老矣國家多難傳一出以輔吾君申生受

賜以死不恨再拜稽首而死狐突乃復事獻公三

年獻公卒狐突辭於諸大夫曰突受太子之詔今

事終矣與其久生亂世也不若死而報太子乃歸

自殺

楚平王使奮楊殺太子建見左傳昭公二十年未至而遣之

左傳遣上有使字杜預太子奔宋王召奮揚使城

日知太子寃故遣令去左傳使上有奮揚二字之作已使

父人執之以至城父人執已以至示不逃刑也

王日言出於予口入於爾耳誰告建也對日臣告

之王初命臣日事建知事余臣不佞不能貳也奉

初以還命以周旋初故遣之已而悔之亦無及也

王日而敢來何也而汝對日使而失命召而不來

是重過也逃無所入王乃赦之

晉靈公暴趙宣子驟諫見左傳宣公十年並晉語

靈公患之使鉏之彌賊之鉏之彌即鉏也鉏之彌晨

往則寢門闢矣宣子盛服將朝尚早坐而假寢杜預

最難處之事而處之甚善悟此天下無難事矣

日不解衣冠而睡之彌退歎而言日不忘恭敬民之主也

賊民之主不忠棄君之命不信有一於此不如死

也遂觸槐而死杜預日槐趙盾庭樹

齊人有子蘭子者事白公勝勝將為難白公勝楚

子王孫勝也鄭人殺建白公請伐鄭以報父讎子

西既許之未起師晉伐鄭楚又救之與之盟白公

怒遂作亂殺子西子期乃告子蘭子日吾將舉大

事於國願與子共之子蘭子日我事子而與子殺

君是助子之不義也畏患而去子是進子於難也

故不與子殺君以成吾義契領於庭以遂吾行契

也領項也戰國策亦日臣請契領言自斷頭項於庭以遂吾行

楚有士申鳴者在家而養其父孝聞於楚國王欲授之相申鳴辭不受其父曰王欲相汝汝何不受乎申鳴對曰舍父之孝子而為王之忠臣何也其父曰使有祿於國立義於庭汝樂吾無憂矣吾欲汝之相也申鳴曰諾遂入朝楚王因授之相居三年白公為亂殺司馬子期已見上註申鳴將往死之父止之曰棄父而死其可乎申鳴曰聞夫仕者身歸於君而祿歸於親今既去子事君得無死其難乎遂辭而往因以兵圍之白公謂石乞曰申鳴者天下之勇士也今以兵圍我吾為之奈何石乞曰申

鳴者天下之孝子也往劫其父以兵申鳴聞之必來因與之語白公曰善則往取其父持之以兵告申鳴曰子與吾吾與子分楚國子不與吾子父則死矣申鳴流涕而應之曰始吾父之孝子也今吾君之忠臣也吾聞之也食其食者死其事受其祿者畢其能今吾已不得為父之孝子矣乃君之忠臣也吾何得以全身援桴鼓之遂殺白公其父亦死王賞之金百斤申鳴曰食君之食避君之難非忠臣也定君之國殺臣之父非孝子也名不可兩立行不可兩全也如是而生何面目立於天下遂

自殺也

齊莊公且伐莒為車五乘之賓太室曰言莊公作車五乘以邀勇士

五人為賓也韓非子外儲說昭而杞梁華舟獨不

與焉故歸而不食杞梁即杞殖華舟即華還見左傳襄公二十二年舟作周又禮

記檀弓孟子下篇可併見其母曰汝生而無義死而無名則雖

非五乘孰不汝笑也言雖非勇者笑之汝生而有義死而

有名則五乘之賓盡汝下也趣食乃行杞梁華舟

同車待於莊公而行至莒莒人逆之杞梁華舟下

鬪獲甲首三百莊公止之曰子止與子同齊國杞

梁華舟曰君為五乘之賓而舟梁不與焉是少吾

可以死可以無死死傷勇於此見之

勇也臨敵涉難止我利是汚吾行也深入多殺

者臣之事也齊國之利非吾所知也遂進鬪壞軍

陷陣三軍弗敢當至莒城下莒人以炭置地熾炭于地

上以二人立有間不能入隰侯重為右曰吾聞古

之士犯患涉難者其去遂於物也來吾踰子隰侯

重仗楯伏炭子乘而入顧而哭之顧哭隰侯重之燒死也華

舟後息杞梁曰汝無勇乎何哭之久也華舟曰吾

豈無勇哉是其勇與我同也而先吾死是以哀之

莒人曰子毋死與子同莒國杞梁華舟曰去國歸

敵非忠臣也去長受賜非正行也且鷄鳴而期日

中而忘之非信也深入多殺者臣之事也昔國之

利非吾所知也遂進鬪殺二十七人而死左傳曰昔子親

鼓之從而伐之獲杞梁其妻聞之而哭城為之隳而隅為之

崩此非所以起也太室曰言罷勇士而殺勇士非所以振起勇士也

越甲至齊雍門子狄請死之越甲越齊王曰鼓鐸

之聲未聞矢石未交長兵未接子何務死之為人

臣之禮邪雍門子狄對曰臣聞之昔者王田於囿

左轂鳴轂輻所湊也老子曰三十輻共一轂車右請死之而王曰子

何為死車右對曰為其鳴吾君也王曰左轂鳴者

工師之罪也子何事之有焉車右曰臣不見工師

之乘而見其鳴吾君也遂刎頸而死知有之乎齊

王曰有之雍門子狄曰今越甲至其鳴吾君也豈

左轂之下哉車右可以死左轂而臣獨不可以死

越甲也遂刎頸而死是日越人引甲而退七十里

曰齊王有臣鈞如雍門子狄擬使越社稷不血食

遂引甲而歸齊王葬雍門子狄以上卿之禮

楚人將與吳人戰楚兵寡而吳兵衆楚將軍子囊

曰將軍子囊莊王我擊此國必敗辱君虧地忠臣

不忍為也不復於君黜兵而退至於國郊使人復

於君曰臣請死君曰子大夫之遁也以爲利也而

今誠利子大夫毋死子囊曰遁者無罪則後世之
為君臣者皆入不利之名而效臣遁若是則楚國
終為天下弱矣臣請死退而伏劍君曰誠如此請
成子大夫之義乃為桐棺三寸加斧質其上以徇
於國按左傳襄公十四年楚子囊還自伐吳卒將死遺言謂子魚必城郢君謂將死不忘衛社稷可不謂忠乎忠民之望也又無加斧質罪其遁戰之事異此所言

宋康公攻阿屠單父單父阿屬邑成公趙曰始吾不自

知以為在千乘則萬乘不敢伐在萬乘則天下不

敢圖太室曰成公趙蓋齊人言不自知吾量也徒以為我居千乘之邑雖萬乘之國畏不敢近

今趙在阿而宋屠單父則是趙無以自立也且往

誅宋趙遂入宋三月不得見或曰何不因鄰國之

使而見之成公趙曰不可吾因鄰國之使而刺之

則使後世之使不信苟節之信不用皆曰趙使之

然也不可或曰何不因群臣道徒處之士而刺之

太室曰道導也薦也徒處之士有道藝而未仕者成公趙曰不可吾因羣

臣道徒處之士而刺之則後世之忠臣不見信辯

士不見顧皆曰趙使之然也不可吾聞古之士怒

則思理危不忘義必將正行以求之耳暮年宋康

公病死成公趙曰廉士不辱名信士不惰行今吾

在阿宋屠單父是辱名也事誅宋王暮年不得是

惰行也吾若是而生何面目而見天下之士遂立

槁於彭山之上立稿言立死也

佛盼用中牟之縣佛盼晉大夫趙氏之中牟宰也設祿邑炊鼎

曰與我者受邑不與我者其烹中牟之士皆與之

城北餘子田基新序田基作田甲獨後至祛衣將入鼎曰

基聞之義者軒冕在前非義弗乘斧鉞於後義死

不避遂祛衣將入鼎佛盼播而之播遷也新序作佛盼脫屣而生

趙簡子屠中牟得而取之論有功者用田基為

始田基曰吾聞廉士不耻人如此而受中牟之功

則中牟之士終身慚矣襁負其母襁負兒衣以南約老母於背南

觀此則凡耻人者皆矯廉也

新序義勇篇文異

徙於楚楚王高其義待以司馬

齊崔杼弑莊公邢蒯賾使晉而及其僕曰崔杼弑

莊公子將奚如邢蒯賾曰驅之將入死而報君其

僕曰君之無道也四鄰諸侯莫不聞也以夫子而

死之不亦難乎邢蒯賾曰善能言也然亦晚矣子

早言我能諫之諫不聽我能去今既不諫又不

去吾聞食其祿者死其事吾既食亂君之祿矣又

安得治君而死之遂驅車入死其僕曰人有亂君

人猶死之我有治長可毋死乎乃結轡自刎於車

上君子聞之曰邢蒯賾可謂守節死義矣死者人

之所難也僕夫之死也雖未能合義然亦有志士之意矣詩云夙夜匪懈以事一人邢生之謂也詩大雅羔孟子曰勇士不忘喪其元滕文公下僕夫之謂也民篇

燕昭王使樂毅伐齊閔王亡燕之初入齊也聞蓋邑人王歌賢令於軍曰蓋齊下邑王歌見史記附田單傳環蓋三十里毋入以歌之故已而使人謂歌曰齊人多高子之義吾以子為將封子萬家歌固謝燕人燕人曰子不聽吾引三軍而屠蓋邑王歌曰忠臣不事二君貞女不更二夫齊王不聽吾諫故退而耕於

野國既破亡吾不能存今又劫之以兵為君將是助桀為暴也與其生而無義固不如烹遂懸其軀於樹枝自奮絕脰而死田單傳註何休云脰頸齊語也齊亡大夫聞之曰王歌布衣義猶不肯齊向燕況在位食祿者乎乃相聚如昔求諸公子立為襄王戰國策曰齊閔王遇

弑其子法章變姓名為莒大夫家庸夫後立是為襄王

左儒友於杜伯皆臣周宣王宣王將殺杜伯而非其罪也左儒爭之於王九復之而王弗許也王曰別君而異友斯汝也左儒對曰臣聞之君道友逆則順君以誅友友道君逆則率友以違君王怒曰

易而言則生不易而言則列而汝也列左儒對曰臣聞古之士不枉義以從死不易言以求生故臣能明君之過以死杜伯之無罪王殺杜伯左儒死之

昔穆公有臣曰朱厲附事穆公不見識焉冬處於山林食杼粟夏處洲澤食菱藕菱也藕荷根也穆公以難死朱厲附將往死之其友曰子事君而不見識焉今君難吾子死之意者其不可乎朱厲附曰始我以為君不吾知也今君死而我不死是果不知我也太室曰下吾將死之以激天下不知其臣者

遂往死之

呂氏春秋善惡篇文小異

楚莊王獵於雲夢射科雉得之

雲夢楚澤也在南郡華容留青中札

日雞雉所乳曰窠即科雉也

申公子倍攻而奪之

善窺賢者之微

王將殺之大夫諫曰子倍自好也自好自愛其身王受

也之人爭王雉必有說王姑察之不出三月子倍病而死為代王殺科雉故死按晏子春秋亦言殺科雉不出三月以死邲之戰楚大


勝晉歸而賞功申公子倍之弟進請賞於王曰人之有功也賞於車下此二句呂氏春秋作臣王曰

奚謂也對曰臣之兄讀故記曰射科雉者不出三

月必死臣之兄爭而得之故天死也王命發乎府

而視之呂氏春秋平作於記果有焉乃厚賞之氏

春秋註云賞之
賞子培之弟也



劉向說苑纂註卷第四終

慶應

